

Visoki predstavnik imenovao novog Supervizora za Distrikt Brcko

Visoki predstavnik, Wolfgang Petritsch, je danas imenovao ambasadora Garija Matthews-a za svog zamjenika i Supervizora za Distrikt Brcko. Imenovanje stupa na snagu u petak, 2. juna.

Kao dobar poznavalac situacije u Bosni i Hercegovini, ambasador Matthews je do nedavno bio na funkciji direktora Regionalnog centra OSCE-a sa sjedistem u Mostaru.

Nakon uspjesne vojne karijere, priključio se službi inozemnih poslova Sjedinjenih Američkih Država gdje je obavljao određeni broj visokih dužnosti. Između ostalog, bio je ambasador na Malti i specijalni koordinator za Sovjetski Savez i istočnu Evropu. Takođe je radio u Njemačkoj, Poljskoj, Vijetnamu i u Rusiji.

Ambasador Matthews je završio studij historije, a nakon toga postdiplomski studij iz oblasti političkih nauka i međunarodnih odnosa.

Visoki predstavnik koristi ovu priliku da ambasadoru Matthews-u pozdravi dobrodošlicu i uspješan rad na novoj funkciji, kao i da izrazi svoju zahvalnost ambasadoru Farrandu na svemu što je učinio u pravcu uspostavljanja Distrikta Brcko, te promoviranja ciljeva Daytonskog mirovnog sporazuma.